

## “A PALABRA na celebración” DOM. 31 C.

**SABEDORÍA 11, 22-12, 2: *Compadéceste de todos, porque amas a todos s seres.***

Señor, o mundo enteiro é ante ti como un gran na balanza, como pinga de orballo no amencer sobre a terra. Pero compadéceste de todos, porque todo o podes e pasas por alto os pecados dos homes para que se arrepiñan.

Amas a todos os seres e non aborreces nada do que fixeches; pois, se odiases algo, non o terías creado. Como subsistiría algo, se ti non o quixeses?, ou como se conservaría, se ti non o tiveses chamado? Pero ti es indulxente con todas as cousas, porque son túas, Señor, amigo da vida. Pois o teu sopro incorruptible está en todas elas. Por iso corrixes pouco a pouco os que caen, repréndelos e recórdalles o seu pecado, para que, apartándose do mal, crean en ti, Señor.

*Palabra do Señor.*

**Sal 144: R/. Bendicirei o teu nome por sempre, meu Deus, meu rei.**

**2º TESALONICENSES 1, 11-2, 2: *Que Cristo sexa glorificado en vós, e vós nel.***

**LUCAS 19, 1-10: *O Fillo do home veu buscar e salvar o que estaba perdido.***

**Sacerdote: *Lectura do Santo Evanxeo segundo San Lucas:***

**Narrador:** Naquel tempo, Xesús entrou en Xericó e ía atravesando a cidade. Nisto, un home chamado Zaqueo, xefe de publicanos e rico, trataba de ver quen era Xesús, pero non o lograba a causa do xentío, porque era pequeno de estatura. Correndo máis adiante, subiu a un sicómoro para velo, porque tiña que pasar por alí. Xesús, ao chegar a aquel sitio, levantou os ollos e díxolle:

**Xesús: -«Zaqueo, dáte presa e baixa, porque é necesario que hoxe quede na túa casa».**

**Narrador:** El deuse presa en baixar e recibíuno moi contento. Ao ver isto, todos murmuraban dicindo:

**Veciños:** -«*Entrou a hospedarse na casa dun pecador*».

**Narrador:** Pero Zaqueo, de pé, díxolle ao Señor:

**Zaqueo:** -«*Mira, Señor, a metade dos meus bens doulla aos pobres; e se defraudei a alguén, restituíolle catro veces máis*».

**Narrador:** Xesús díxolles:

**Xesús:** -«*Hoxe foi a salvación desta casa, pois tamén este é fillo de Abrahán. Porque o Fillo do home veu buscar e salvar o que estaba perdido*».

*Palabra do Señor. (Narrador- Xesús -Veciños -Zaqueo).*

-----

## **Ideas para unha posible homilía da eucaristía con familias**

**Xesús quere visitarte.  
Dille: Ven á miña CASA!**

### **1. VER: Veñen vernos á casa ...**

- Ao longo do ano recibimos visitas de amigos e familiares: gozamos con eles, charlamos, xogamos, coñecemos máis.

**- *Quen te visita? Por que te visitan? Que preparas? Que facedes xuntos? Tráenche algo ou regálaslles algo? Alégraste da visita?***

### **2. 2.XULGAR: Xesús quere ir á túa casa.**

+QUE NOS QUERE DICIR XESÚS? Xesús quere ir á túa casa:

- No evanxeo deste domingo, Xesús descobre ao empequeneado e triste Zaqueo subido a unha árbore para velo pasar e chámalo: "**Zaqueo, baixa rápido, porque hoxe quedo na túa casa!**". Zaqueo encheuse de alegría e aquela visita cambioulle o corazón, salvouno.

+QUE NOS QUERE DICIR XESÚS? Xesús quere ir á túa casa:

-**Talvez non es feliz:** Zaqueo vivía só preocupado do seu traballo, de conseguir máis diñeiro, de ter e ter... pero non o querían, estaba só e no fondo faltáballe o fundamental. E Xesús chama á súa porta: tivo que deixar atrás o seu diñeiro, as súas cousas, buscar a Xesús, subir á árbore e escoitalo.

-**Xesús visítate para curarte,** perdoarche, cambiar o teu corazón, darche unha vida máis plena e feliz...

-**Xesús visítate na oración,** ao escoitar a súa Palabra, na catequese, na parroquia, en cada persoa que pasa ao teu lado, no que te necesita, no que che corrixe ou ensina...

-**Visítate sobre todo ao comungar:** preparámonos para iso subindo ao templo, rezando o Noso Pai e dándonos a paz, dicíndolle "non son digno", achegámonos en fila (en orde e silencio), acollémolo con respecto poñendo a man e gardándoo no corazón. Sentimos unha alegría inmensa, dámoslle grazas, expulsamos do corazón outros falsos tesouros e o sacerdote envíanos a vivir doutra forma, como testemuñas, levando o noso amigo Xesús aos que vexamos pola semana.

***Que nos está pedindo Xesús?***

### **3.ACTUAR: Déixalle visitarte e cambiarte**

-**Escribe unha invitación a Xesús á túa casa** e os motivos da invitación.

-**Pensa en que momentos** ao longo da semana queres que te visite Xesús e que vas facer para estar pendente del.

-**Prepara** ao longo da semana a comunión do domingo, ou coa túa familia dialogade que facer para que Xesús estea máis presente na casa do voso fogar: cruz, bendición da mesa, biblia visible...

***En que ides mellorar, a que te comprometes?***

## *Xesús, ven á miña casa!*

**Xesús, no evanxeo de hoxe** vemos como querías ir á casa de Zaqueo, que tiña moitos tesouros pero non era feliz.

**Coma el, tamén eu** teño cousas en min, do meu colexio ou traballo, que non me deixan satisfeito. Podo ter éxitos materiais, pero o meu interior está baleiro e inquedo. Ven á miña casa!, invítoche sinceramente!

**Que a túa mirada cariñosa e as túas palabras** penetren no meu corazón, que iluminen a miña mente para descubrir o que se debe cambiar na miña vida para ser mellor amigo teu, máis servizal e mellor cristián.

**Xesús, ti vés á miña casa** na oración, ao escoitar a túa Palabra, naquel que me aconsella ou no que me necesita. Vés sobre todo cando vou a comungar con devoción e te acollo no meu corazón con alegría e fe.

**Xesús, ven á miña casa**, comparte a miña mesa e os meus bens, porque sen ti, a miña vida non vale para nada!

**Porque o verdadeiro tesouro é acollerte a ti, Xesús, na casa do corazón.**